

將游戲談玄論妙究方外清虛道家真味唱和從容一時法眷  
情何義如今分頭迥然苦志勤心磨鍊各逃傾逝既是飄零難  
爲會合幽僻關山迢遞乾坤間隔望落落猶如曉星之勢再遇  
何年駕雲朝上帝

漢宮春 苦志

二十年間大魔交正陣約度千重狂弓逆箭暗窻零落無窮因  
心睡覺透歷年無礙真宗興慧劍羣魔自然消散獨騁威雄  
出入銳光入表算神機莫測天網難籠驅雲掃霧蕩搖法界無  
蹤飛騰變化任太虛蕭瑟鳴風巡四海崢嶸往來幾箇人同

留客住 修道

道藏輯要

磻溪集

癸

又胃集三  
川又上

四元遇過華山共臨秦地詠歌談笑暗闡重陽嘉趣無爲自令  
人化有幸天使官磨相間阻東連海上奮三公高義大開門戶  
教行普歎我離羣忘形慵舉內省無憊外患何憂何懼三光  
盛衰交變萬化恩害相生天地數留身且住待青霄得志坦然  
行步

梅花引 磻溪舊隱

無名客無牽迫無桑無梓無田宅古巖前老松邊長歌隱几徐  
徐考太玄玄中默論無生死實際何曾分彼此貫千經協三靈  
包含萬化都歸一念冥 行不勞坐不倦任行任坐隨吾便晚  
風輕暮天晴逍遙大道南溪上下平溪東幸獲忘形友月下時

斟消夜酒酒杯停月華清披襟散髮欣欣唱道情

六么令

法性

渾淪撲散天地始玄黃鳥飛兔走漸生羣物類開張一點如如  
至性撲入殍皮囊游魂失道隨波逐浪萬年千載不還鄉 錯  
了鴻濛體段憎愛日相望卻認父母形骸做我好容光劫劫輪  
迴販骨受盡苦和殃何人聞早尋他歸路瑩然恢廓舊嘉祥

菱荷香

乞食

日奚爲信騰騰遶村覓飯充飢攔門餓犬撐突走跳如飛張牙  
怒目待操心活齷人皮是則是教你看家宜分善惡不辨高低  
可歎信信此物益多生乖劣一性昏迷談科演教叮噓指耳

道藏輯要

潘溪集

究

又胃集三  
川上

難知雖然太上駕親臨無處慈悲爲人早早修持還到恁時發  
憤應遲

喜遷鶯

鍊心

要離生滅把舊習般般從頭磨徹愛欲千重身心百鍊鍊出寸  
心如鐵放教六神和暢不動三尸顛蹶事猛烈仗虛空一片無  
情分別關結除縲紲方遇至人金口傳微訣頓覺靈風吹開魔  
陣形似木雕涅槃旣得性珠天寶勘破春花秋月恁時節鬼難  
呼唯有神仙提挈

鳳棲梧

寄東方  
學道者

天下風光何處好八水三川自古長安道錦樹屏山方曲遶天